



# 花卉果木編

本社編

上海古籍出版社



ISBN 7-5325-1230-4

G · 37 定价：7.40元

**沪新登字109号**

**生活与博物丛书**

**生活与博物丛书·花卉果木编**

**本社编**

**上海古籍出版社出版**

(上海瑞金二路 272 号)

**此书在上海发行所发行 祝桥新华印刷厂印刷**

**开本 850×1156 1/32 印张 11.875 插页 4 字数 408,000**

**1993 年 6 月第 1 版 1993 年 6 月第 1 次印刷**

**印数：1—3,000**

**ISBN 7-5325-1230-4**

**G · 37 定价：7.40 元**

## 前　　言

这套丛书收辑的是历代有关生活日用和百科知识的谱录，共一百四十种。

“谱”本是周朝宫廷档案的一种，经秦始皇焚书的大劫，多被付之一炬。据《史记·三代世家》正义：“谱，布也，列其事也。”这是说它内容的广泛性。《释名》：“谱，绪也，主叙人世类相继，如统绪也。”这是指它记载的系统性。魏晋起崇尚门第，士大夫们热心从坑灰的焚余中寻根，并承继了“谱”的形式，用以记录家族绵延的脉络。到南北朝时，谱牒成为选举入仕的必备文件，还出现了一门时髦的新兴学科“谱学”。《隋书·经籍志》为此专辟了“谱系”一项，在众多的家族谱牒的目录中，却也出现了《竹谱》与《钱谱》的书名，说明人们已开始尝试用谱来总结生活事物的“世类相继”。这一类著作与日俱增，南宋尤袤《遂初堂书目》于是发明了“谱录”的术语，作为物谱的总称。谱作中也有些不叫“某谱”而起名为“某经”的，这是因为古人习称术艺专述之作为“经”的缘故。经有经贯义，又有“经验”和“经典”的涵意，它恰可表现出谱录区别于他书的特征。唐代仅“相马经”，就出现了四种达六十五卷之多。唐宋以来的千百年间，种种的“谱”和“经”如雨后春笋，内容遍及生活的各个领域，争奇斗妍，蔚为大观。

谱录繁荣的原因，首先在于它具有实用性。人类有形形色色的生活实践，生活有林林总总的探索内容。我们的先民颇懂得“君子以类族辨物”（《周易》）及“盖将开物以成务，必先析类而详名”（《荀子》）的道理，分门别类，将日用百科析成一项项研究的局部；又掌握“属辞比事”（《春秋》、《礼记》）及“以往知来，以见知隐”（《墨

子》)的方法，对各个细部进行横(空间)纵(时间)两向的综合考察。谱录通常都推原历史，排比现状，汇总有关同一门类的各种信息，由平面进入纵深，由现象进入本质，由博闻进入真知。古人常将谱作寄于代表人物的名下，如《禽经》托名师旷、《相牛经》托名宁戚、《笔经》托名王羲之、《种树书》托名郭橐驼等，显示了这一体裁的权威性；即使是文人的私家著作，也都是对前人经验成果的总结继承。细大不捐，指掌可求，资利用，广学识，无异于传统经验的博物志和专科知识的教科书。现时的读者除了直接汲取生活知识的养料外，还能从这份宝贵的历史遗产中，既浏览万象缤纷的自然世界，又观察百工绩熙的社会风情，从而对我们中华民族文化的历史发展情状，获得感性的丰富认识。

古人对谱录倾注热情，不仅是为了厚生，也是为了悦性。历史上陶渊明爱菊，周敦颐爱莲，久已成为修洁脱俗的千秋佳话；而诸如王济的马癖，李白的酒癖，米芾的石癖，苏轼、黄庭坚的砚癖墨癖等，也脱出了个人兴趣的单纯理解，而被后世视为体现狂狷、潇洒、超逸、旷放等文化气质与处世态度的象征。陆羽《茶经》、欧阳修《洛阳牡丹记》、张鎡《梅谱》等之所以博得无数后人的青睐与仿效，正在于它们显示了达人高士澄怀涤虑、与物熙和的风流格调；而如袁宏道的《瓶史》、文震亨的《长物志》等，也确实提供了文人理想生活方式与风雅修养的具体标准。《红楼梦》中“蘅芜院夜拟菊花题”，从“忆菊”到“残菊”一一编出次序，喜得湘云赞道：“更妙，竟弄成个菊谱了。”说明谱录能充分满足人们的求备心理与审美要求。历代的谱作者们也各施匠意，踵事增华：或是对谱主细加甄综，制订名目，增加品第，进行美的观照、韵的追求；或是摭拾旧闻，搜罗掌故，矜博洽，侈谈助，充实谱作的情趣；更有的缀以诗文词赋，以资玩味。总之，努力将寻常的生活事物，导入艺术的殿堂。这就使大多数谱录于本身的资料性外，同时还带上了鉴赏性。当今物质水平高度发达，自不能与封建时代同日而语，但人们同样离不开精

神生活的需要。在美化生活、陶冶性情、培养与提高文化素养方面，前人的谱录也无疑为我们提供了宝贵的借鉴。

本书分为“花卉果木”、“禽鱼虫兽”、“器物珍玩”、“饮食起居”四编，同《清史稿·艺文志》将谱录范畴限定为“器物之属”、“食用之属”及“植物动物之属”的标准大体相符。从书中收辑的情形来看，以自然生物为对象的谱录，往往于分辨族类、记录形态的“综核名物”之外，注重介绍培育养殖的方法和经验，做到“究百昌生殖之理，极万变消长之情”，具有相当的实用性。而记载器物、食用的谱录，则多侧重于人类的生产活动实践，介绍它们的来龙去脉、发展轨迹，在生活中的效验和影响，在此基础上区别物宜，审辨淑慝，集信息之大成，如苏易简的《文房四谱》、陆廷灿的《续茶经》、许之衡的《饮流斋说瓷》、刘大同的《古玉辨》等，都可以说是具有指南性质的专业工具书。同门的谱录免不了有部分的雷同，但后起的谱作总有新意别解和青出于蓝之处。由于篇幅的限制，一些有影响的大型谱著如《广群芳谱》、《齐民要术》等无法列入本丛书，读者不妨取以对读，可以收到互相印证补充的效果。

本书中某些辑录属于孤本；而大部分谱作在流传的过程中，也不时出现文字上的歧异和诖误。参加整理的同志作了辛勤的努力，却也受到版本本身的限制。谱录作为专科知识的载体，有不少冷僻的术语；它虽是古人智慧和经验的结晶，但又不可避免地存在不合科学和真理的谬误。出于本书体例上的原因，未能进行笺释和说明。这虽然留下了遗憾，但同时却为读者的独立思考和深入研究腾出了余地。一编在手，万物贡前，既获得生活和博物的教益，又激发求知和探索的兴趣：这正是我们编辑本书的一点心愿。

因受字体的限制，原谱中的小字夹注，今改排如正文，并以括号区示。特向读者说明。

穆　　传 一九九一年十一月

## 《花卉果木编》目录

|               |     |
|---------------|-----|
| 前言            | 1   |
| 梅谱(宋·范成大)     | 1   |
| 王氏兰谱(宋·王贵学)   | 4   |
| 金漳兰谱(宋·赵时庚)   | 9   |
| 罗钟斋兰谱(明·张应文)  | 17  |
| 翼谱丛谈(清·庄继光)   | 25  |
| 海棠谱(宋·陈思)     | 32  |
| 洛阳牡丹记(宋·欧阳修)  | 50  |
| 洛阳牡丹记(宋·周师厚)  | 54  |
| 天彭牡丹谱(宋·陆游)   | 59  |
| 曹州牡丹谱(清·余鹏年)  | 62  |
| 牡丹谱(清·计楠)     | 69  |
| 扬州芍药谱(宋·王观)   | 75  |
| 缸荷谱(清·杨钟宝)    | 82  |
| 月季花谱(清·评花馆主)  | 91  |
| 凤仙谱(清·赵学敏)    | 94  |
| 玉蕊辨证(宋·周必大)   | 126 |
| 菊谱(明·黄省曾 周履靖) | 133 |
| 史氏菊谱(宋·史正志)   | 144 |
| 范村菊谱(宋·范成大)   | 147 |
| 刘氏菊谱(宋·刘蒙)    | 150 |
| 百菊集谱(宋·史铸)    | 159 |

---

|                  |     |
|------------------|-----|
| 菊说(清·计楠)         | 214 |
| 洋菊谱(清·邹一桂)       | 220 |
| 橘录(宋·韩彦直)        | 225 |
| 荔枝谱(宋·蔡襄)        | 233 |
| 荔枝谱(明·徐渤)        | 237 |
| 荔枝谱(明·宋珏)        | 244 |
| 荔枝谱(明·曹蕃)        | 251 |
| 荔枝谱(明·邓道协)       | 253 |
| 记荔枝(明·吴载鳌)       | 256 |
| 岭南荔枝谱(清·吴应逵)     | 260 |
| 水蜜桃谱(清·褚华)       | 279 |
| 打枣谱(元·柳贯)        | 283 |
| 桐谱(宋·陈翥)         | 285 |
| 竹谱(南朝宋·戴凯之)      | 295 |
| 续竹谱(元·刘美之)       | 301 |
| 瓶花谱(明·张丑)        | 302 |
| 药圃同春(明·夏旦)       | 305 |
| 瓶史(明·袁宏道)        | 309 |
| 学圃杂疏(明·王世懋)      | 314 |
| 北墅抱瓮录(清·高士奇)     | 325 |
| 种树书(唐·郭橐驼 元·俞宗本) | 357 |

## 梅 谱

〔宋〕范成大

梅，天下尤物，无问智贤愚不肖，莫敢有异议。学圃之士，必先种梅，且不厌多，他花有无多少，皆不系重轻。余于石湖玉雪坡既有梅数百本，比年又于舍南买王氏僦舍七十楹，尽拆除之，治为范村，以其地三分之一与梅。吴下栽梅特盛，其品不一，今始尽得之，随所得为之谱，以遗好事者。

江梅，遗核野生，不经裁接者。又名直脚梅，或谓之野梅。凡山间水滨，荒寒清绝之趣，皆此本也。花稍小而疏瘦有韵，香最清，实小而硬。

早梅，花胜直脚梅。吴中春晚，二月始烂熳，独此品于冬至前已开，故得早名。钱塘湖上亦有一种，尤开早。余尝重阳日亲折之，有“横枝对菊开”之句。行都卖花者争先为奇，冬初折未开枝置浴室中，薰蒸令坼，强名早梅，终琐碎无香。余顷守桂林，立春梅已过，元夕则尝青子，皆非风土之正。杜子美诗云：“梅蕊腊前破，梅花年后多。”惟冬春之交，正是花时耳。

官城梅，吴下圃人以直脚梅择它本花肥实美者接之，花遂敷腴，实亦佳，可入煎造。唐人所称官梅，止谓在官府园圃中，非此官城梅也。

消梅，花与江梅、官城梅相似，其实圆小松脆，多液无滓。多液则不耐日干，故不入煎造，亦不宜熟，惟堪青啖。北梨亦有一种轻松者，名消梨，与此同意。

古梅，会稽最多，四明、吴兴亦间有之。其枝樛曲万状，苍藓鳞皴，封满花身，又有苔须垂于枝间，或长数寸，风至，绿丝飘飘可玩。初谓古木久历风日致然，详考会稽所产，虽小株亦有苔痕，盖别是一种，非必古木。余尝从会稽移植十本，一年后花虽盛发，苔皆剥落殆尽；其自湖之武康所得者，即不变移。风土不相宜，会稽隔一江，湖、苏接壤，故土宜或异同也。凡古梅多苔者，封固花叶之眼，惟罅隙间始能发花，花虽稀而气之所钟，丰腴妙绝。苔剥落者则花发仍多，与常梅同。去成都二十里有卧梅，偃蹇十余丈，相传唐物也，谓之梅龙，好事者载酒游之。清江酒家有大梅如数间屋，傍枝四垂，周遭可罗坐数十人。任子严运使买得，作凌风阁临之，因遂进筑大圃，谓之盘园。余生平所见梅之奇古者，惟此两处为冠，随笔记之，附古梅后。

重叶梅，花头甚丰，叶重数层，盛开如小白莲，梅中之奇品。花房独出，而

结实多双，尤为瑰异，极梅之变，化工无余巧矣。近年方见之。蜀海棠有重叶者，名莲花海棠，为天下第一，可与此梅作对。

绿萼梅，凡梅花跗蒂皆绎紫色，惟此纯绿，枝梗亦青，特为清高，好事者比之九嶷仙人萼绿华。京师艮岳有萼绿华堂。其下专植此本，人间亦不多有，为时所贵重。吴下又有一种，萼亦微绿，四边犹浅绎，亦自难得。

百叶缃梅，亦名黄香梅，亦名千叶香梅。花叶至二十余瓣，心色微黄，花头差小而繁密，别有一种芳香，比常梅尤秾美，不结实。

红梅，粉红色，标格犹是梅，而繁密则如杏，香亦类杏。诗人有“北人全未识，浑作杏花看”之句。与江梅同开，红白相映，园林初春绝景也。梅圣俞诗云：“认桃无绿叶，辨杏有青枝。”当时以为著题。东坡诗云：“诗老不知梅格在，更看绿叶与青枝。”盖谓其不韵，为红梅解嘲云。承平时此花独盛于姑苏，晏元献公始移植西冈圃中。一日贵游赂园吏，得一枝分接，由是都下有二本。尝与客饮花下，赋诗云，“若更开迟三二月，北人应作杏花看。”客曰：“公诗固佳，待北俗何浅耶？”晏笑曰：“伧父安得不然。”王琪君玉，时守吴郡，闻盗花种事，以诗遗公曰：“馆娃宫北发精神，粉瘦琼寒露蕊新。园吏无端偷折去，凤凰从此有双身。”当时罕得如此。比年展转移接，殆不可胜数矣。世传吴下红梅诗甚多，惟方子通一篇绝唱，有“紫府与丹来换骨，春风吹酒上凝脂”之句。

鸳鸯梅，多叶红梅也，花轻盈，重叶数层。凡双果必并蒂，惟此一蒂而结双梅，亦尤物。

杏梅，花比红梅色微淡，结实甚扁，有斓斑色，全似杏，味不及红梅。

蜡梅，本非梅类，以其与梅同时，香又相近，色酷似蜜脾，故名蜡梅。凡三种：以子种出，不经接，花小香淡，其品最下，俗谓之狗蝇梅。经接花疏，虽盛开花常半含，名磬口梅，言似僧磬之口也，最先开。色深黄，如紫檀，花密香浓，名檀香梅，此品最佳。蜡梅香极清芳，殆过梅香，初不以形状贵也，故难题咏，山谷、简斋但作五言小诗而已。此花多宿叶，结实如垂铃，尖长寸余，又如大桃奴，子在其中。

## 后序

梅以韵胜，以格高，故以横斜疏瘦与老枝怪奇者为贵。其新接稚木，一岁抽嫩枝直上或三四尺，如酴醿、蔷薇辈者，吴下谓之气条。此直宜取实规利，无所谓韵与格矣。又有一种粪壤力胜者，于条上茁短横枝，状如棘针，花密缀

之，亦非高品。近世始画墨梅，江西有杨补之者尤有名，其徒仿之者实繁。观杨氏画，大略皆气条耳，虽笔法奇峭，去梅实远。惟廉宣仲所作，差有风致，世鲜有评之者。余故附之谱后。

## 王氏兰谱

〔宋〕王贵学

窗前有草，濂溪周先生盖达其生意，是格物而非玩物。予及友龙江王进叔，整暇于六籍书史之余，品藻百物，封植兰蕙，设客难而主其谱，撷英于干叶香色之殊，得韵于耳目口鼻之表，非体兰之生意不能也。所禀既异，所养又充，进叔资学亦如斯兰，野而岩谷，家而庭阶，国而台省，随所置之，其居无敝。夫草可以会仁意，兰岂一草云乎哉？君子养德，于是乎在。淳祐丁未孟春戊戌蒲阳叶大有序。

万物皆天地委形，其物之形而秀者，又天地之委和也。和气所钟，为圣为贤，为景星，为凤凰，为芝草，草有兰亦然。世称“三友”，挺挺花卉中，竹有节而啬花，梅有花而啬叶，松有叶而啬香，惟兰独并有之。兰，君子也。凌霞饮露，孤竹之清标，劲柯端茎，汾阳之清节，清香淑质，灵均之洁操。韵而幽，妍而淡，曾不与西施、何郎等伍，以天地和气委之也。予嗜焉成癖，志几之暇，具于心，服于身，复于声誉之间搜求五十品，随其性而植之。客有谓予曰：此身本无物，子何取以自累？予应之曰：天壤间万物皆寄尔。耳，声之寄；目，色之寄；鼻，臭之寄；口，味之寄。有耳目口鼻而欲绝夫声色臭味，则天地万物将无所寓其寄矣。若总其所以寄我者而为我有，又安知其不我累耶？客曰：然。遂谱之。淳祐丁未龙江王贵学进叔敬书。

### 品第之等

涪翁曰：楚人滋兰九畹，植蕙百亩。兰少故贵，蕙多故贱。予按，《本草》：“薰草亦名蕙草，叶曰蕙，根曰薰。”十二亩为畹，百亩自是相等。若以一千数花而蕙贱之，非也。今均目曰兰。天下深山穷谷，非无幽兰，生于漳者，既盛且馥，其色有深紫、淡紫、真红、淡红、黄白、碧绿、鱼魭、金钱之异。就中品第，紫兰陈为甲，吴、潘次之，如赵，如何，如大小张、淳监粮、赵长秦、（峡州邑名。）紫兰、景初以下又其次，而金稜边为紫袍奇品。白兰灶山为甲，施花、惠知客次之，如李，如马，如郑，如济老、十九蕊、黄八兄、周染以下又其次，而鱼魭兰为白花奇品。其本不同如此，或得其人，或得其名，其所产之异，其名又不同如此。

## 灌 溉 之 候

涪翁曰：“兰蕙丛生，莳以沙石则茂，沃以汤茗则芳。”予于诸兰，非爱之大，悉使之硕而茂，密而蕃，莳沃以时而已。一阳生于子，根荄正稚，受肥尚浅，其浇宜薄。南薰时来，沙土正渍，嚼肥滋多，其浇宜厚。秋七八月，预防冰霜。又以濯鱼肉水，或秽腐水停久反清，然后浇之。人力所至，盖不萌者寡矣。

## 分 拆 之 法

予于分兰次年，才开花即剪去，求养其气而不泄尔。未分时，前期月余，取合用沙去砾扬尘，使粪夹和，鹅粪为上，他粪勿用。晒干储久。逮寒露之后，击碎元盆，轻手解拆，去旧芦头，存三年之颖。或三颖四颖作一盆，旧颖内，新颖外。不可太高，恐年久易霉；不可太低，恐根局不舒。下沙欲疏而通，则积雨不渍；上沙欲细而润，则泥沙顺性。虽橐驼复生，无易于此。

## 泥 沙 之 宜

世称花木多品，惟竹三十九种，菊有一百二十种，芍药百余种，牡丹九十种，皆用一等沙泥，惟兰有差。梦良、鱼虬，宜黄净无泥瘦沙，肥则腐。吴兰、仙霞，宜粗细适宜赤沙，浇肥。朱、李、灶山，宜山下流聚沙。济老、惠知客、马大同、大小郑，宜沟壑黑浊沙。何、赵、蒲、许、大小张、金稜边，则以赤沙和泥种之。自陈八斜、夕阳红以下，任意用沙皆可。须盆面沙燥，方浇肥，平常浇水亦如之。而浇水时与浇肥异，肥以一年三次浇，水以一月三次浇，大暑又倍之，此封植之法。

爱养之地，靖节菊、和靖梅、濂溪莲，皆识物真性。兰性好通风，故台太高冲阳，太低隐风，前宜向离，后宜背坎，欲迎南风而障北吹。兰性畏近日，故地太狭蔽气，太广逼炎，左宜近野，右宜依林，欲引东旸而避西照。炎烈荫之，凝寒晒之。蚯蚓蟠根，以小便去之。枯蝇点叶，以油汤拭之。摘莠草，去蛛丝。一月之内，凡数十周伺其侧。橘逾淮为枳，毅逾汝则死。余每病诸兰肩载外郡，取怜贵家，既非土地之宜，又失莳养之法，久皆化而为茅。故以得活萌贻诸同好，君子倘如鄙言，则幼为裳，揉为浆，生意日茂，奚九畹而止。

## 紫 兰

陈梦良，有二种：一紫干，一白干。花色淡紫，大似鹰爪，排钉甚疏，壮者二

十余萼。叶深绿，尾微焦而黄。好湿恶燥，爱肥恶浊，叶半出架而尚抽，蕊几与叶齐而未破。昔陈承议得于官所而奇之，梦良，陈字也。曾弃之鸡栅傍，一夕吐萼二十五，与叶俱长三尺五寸有奇，人宝之曰陈梦良。诸兰今年懒为子，去年为父，越去年为祖，惟陈兰多缺祖，所以价穹。其叶森洁，状如剑脊，尾焦。众兰顶花皆并俯，惟此花独仰，特异于众。

吴兰，色深紫，向吾得于龙岩（漳州县名）铁矿山铁丛。石心而婉媚，叶之修绿冠诸品，得所养则蕊歧生，有二十余萼。性颇爱肥，亭亭特特，隐然君子立乎其前。

仙霞，色深紫，花气幽芳，劲操特节。干叶与吴伯仲，特花深耳。

赵十使，即师傅。色淡，壮者十四五萼，叶色深绿，花似仙霞，叶之修劲不及之。

何兰，壮者十四五萼，繁而低压，冶而倒披，花色淡紫，似陈兰。陈花干壮而何则瘦，陈叶尾焦而何则否。或名潘兰，有红酣香醉之状，经雨露则娇，因号醉杨妃。不常发，似仙霞。

大张青，色深紫，壮者十三萼，姿劲质直，向北门张姓读书岩谷得之。花有二种：大张花多，小张花少，大张干花俱紫，叶亦肥瘦各胜，小张悭于发花。

蒲统领，色紫，壮者十数萼。淳熙间蒲统领引兵逐寇，忽见一所，似非人世，四周幽兰，欲摘而归。一老叟前曰：此处有神主之，不可多摘。取数颖而归。

陈八斜，色深紫，壮者十余萼，发则盈盆。花类大张青，干紫过之，叶绿而瘦，尾似蒲下垂，紫花中能生者为最。间有一叶双花。

淳监粮，色深紫，多者十萼，丛生、并叶。干曲花壮，俯者如想，倚者如思。叶高三尺，厚而且直，其色尤紫。

大紫，壮者十四萼，出于长秦，亦以邑名，近五六载。叶绿而茂，花韵而幽。

许景初，十二萼者，花色鲜红，凌晨遇露，若素练轻茜，玉颜半酡。干微曲，善于排钉，叶倾散垂，绿亦不深。

石门红，其色红，壮者十二萼。花肥而促，色红而浅，叶虽粗，亦不甚高，满盆则生。亦云赵兰。

小张青，色红，多有八萼，淡于石门红，花干甚短，止供簪插。

萧仲红，色如褪紫，多者十二萼。叶绿如芳茅，其余干纤长，花亦离疏，时人呼为“花梯”。

何首座，色淡紫，壮者九萼。陈、吴诸品未出，人争爱之，既出，其名亚矣。

林仲礼，色淡紫，壮者九萼。花半开而下视，叶劲而黄。一云中美。

粉妆成，色轻紫，多者八萼，类陈八斜，花与叶亦不甚都。

茅兰，其色紫，叶长四寸有奇，壮者十六七萼，粗而俗，人鄙之。是兰结实，其破如线，丝丝片片，随风飘地轻生。夏至抽籜，春前开花。

金稜边，出于长泰陈氏，或云东郡迎春坊门王元善家。本龙溪县后林氏花，因火，为王所得。有十二三萼，幽香凌桂，劲节方筠。花似吴而差小，其叶自尖处分为两边，各一线许。夕阳返照，恍然金色，漳人宝之，亦罕传于外，是以价高十倍于陈、吴，目之为紫兰奇品。

## 白 兰

灶山，色碧，壮者二十余萼，出漳浦。昔有炼丹于深山，丹未成，种其兰于丹灶傍，因名。花如葵而间生并叶，干、叶、花同色。萼修齐，中有雍黄。东野朴守漳时，品为花魁，更名碧玉干。得以秋花，故殿于紫兰之后。

济老，色微绿，壮者二十五萼。逐瓣有一线红晕界其中，干绝高，花繁则干不能制，得所养则生。绍兴间，僧广济修养穷谷，有神人授数颖，兰在山阴久矣。师今行果已满，与兰齐芳。僧植之岩下，架一脉之水溉焉，人植而名之。又名一线红，以花中界红脉若一线然。干、花与灶山相若，惟灶山花开，玉顶下花如落，以此分其高下。此花悭生蕊，每岁只生一。

惠知客，色洁白，或向或背。花英淡紫，片尾微黄，颇似施兰。其叶最茂，有三尺五寸余。

施兰，色黄，壮者十五萼，或十六七萼，清操洁白，馨德薰香。花头颇大，歧干而生，但花开未周，下蕊半墮。叶深绿，壮而长，冠于诸品。此等种得之施尉。

李通判，色白，壮者十二萼。叶有剑脊，挺直而秀，最可人眼，所以识兰趣者，不专看花，正要看叶。

郑白善，色碧，多者十五萼，歧生过之。肤美体腻，翠羽金肩。花若懒散，下视其跗尤碧，交秋乃花。或又谓大郑。

郑少举，色洁白，壮者十七八萼。郑得之云霄。叶劲曰大郑，叶软曰小郑，散乱蓬头少举。叶殊，花一生则盈盆，引于齐叶三尺，劲壮似仙霞。

仙霞十九蕊，色白，鲜者如濯，含者如润。始得之泰邑，初不为奇，植之蕊多，因以名花，比李通判则过之。

马大同，色碧，壮者十二萼。花头肥大，瓣绿片多红晕。其叶高耸，干仅半之。一名朱抚，或曰翠微，又曰五晕丝。叶散端直冠他种。

黄八兄，色洁白，壮者十三萼。叶绿而直，善于抽干，颇似郑花多，犹荔之十八娘。朱兰，得于朱金判，色黄，多者十一萼。花头似开，倒向一隅，若虫之蠹，干、叶长而瘦。

周染，色白，壮者十数萼，叶与花俱类郑而干短弱。（叶、干长者为少举，促而叶微黄者为白善，干短者为周花。）

夕阳红，色白，壮者八萼。花片虽白，尖处微红者，夕阳返照。或谓产夕阳院东山，因名。

云峤，色白，壮者七萼，花大红心，邻于小张，以所得之地名。叶深厚于小张，清高亦如之。云峤，海岛之精寺也。

林郡马，其色绿，出长泰。壮者十三萼，叶厚而壮，似施而香过之。

青蒲，色白，七萼。挺肩露颖，似碧玉而叶低小，仅尺有五寸。花尤白，叶绿而小，直而修。

独头兰，色绿，一花大如鹰爪，干高二寸，叶类麦门冬，入腊方薰馥可爱，建、浙间谓之献岁。正一干一花而香有余者。山乡有之，间有双头。涪翁以一干一花而香有余者兰也。

观堂主，色白，七萼。干红，花聚如簇，叶不甚高，妇女多簪之。

名第，色白，七八萼。风韵虽亚，以出周先生读书林。（先生讳匡物，元和进士榜。）邦人以先生故，爱而存之。

鱼鳞兰，一名赵兰，十二萼。花片澄澈，宛似鱼鳞，采而沉之，无影可指。叶颇劲、绿，颠微曲焉。此白兰之奇品。更有高阳兰、四明兰。

碧兰，始出于兴化龟山院陈、沈二仙修行处。花有十四五萼，与叶齐修。叶直而瘦，花碧而芳。用红沙种，雨水浇之，莆中奇品。或山石和泥，亦宜之。

翁通判，色淡紫，壮者十六七萼，叶最修长。此泉州之奇品，宜赤泥和沙。

建兰，色白而洁，味芬而幽。叶不甚长，只近二尺许，深绿可爱。最怕霜凝日晒，则叶尾皆焦。爱肥恶燥，好湿恶浊，清香皎洁，胜于漳兰，但叶不如漳兰修长。此南建之奇品也。品第亦多，而予尚未造奇妙。宜黑泥和沙。

广兰，色碧，壮者二十余萼。叶最修长，得于所养，则萼修于叶，花叶齐色，香韵而幽，长三尺五寸有余。更有一品，花叶俱短三四寸许，爱湿恶燥，最怕烈日，种之不得其本性则腐烂。此广州之奇品也。

## 金漳兰谱

〔宋〕赵时庚

## 序

予先大夫朝议郎自南康解印还，卜里居，筑茅引泉植竹，因以为亭，会宴乎其间。得郡侯博士伯成，名其亭曰“筼筜世界”，又以其东架数椽，自号“赵翁书院”。回峰转向，依山叠石，尽植花木，丛杂其间。繁阴之地，环列兰花，掩映左右，以为游憩养疴之地。予时尚少，日在其中，每见其花好之。艳丽之状，清香之夐，目不能舍，手不能释，即询其名，默而识之，是以酷爱之心，殆几成癖。粤自嘉定改元以后，又采数品，高出乎向时所植者。予嘉而求之，故尽得其花之容质，无失封培爱养之法而品第之。殆今三十年矣，而未尝与达者道。暇日有朋友过予，会诗酒琴瑟之后，倏然而问之。予则曰：“有是哉！”即缕缕为之详言。友曰：“吁！亦开发后觉一端也！岂予一身可得而私有，何不与诸人以广其传？”予不得辞，因列为三卷，名曰《金漳兰谱》。欲以续前人牡丹、荔枝谱之意余，以是编。绍定癸巳六月良日，澹斋赵时庚谨书。

## 卷 上

## 叙 兰 容 质

陈梦良，色紫，每干十二萼，花头极大，为众花之冠。至若朝晖微照，晓露暗湿，则灼然腾秀，亭然露奇，敛肤傍干，团圆四向，婉媚绰约，伫立凝思，如不胜情。花三片，尾如带彻青，叶三尺，颇觉弱，翠然而绿，背虽似剑，脊至尾稜则软薄斜撒，粒许带缩，最为难种，故人稀得其真。

吴兰，色深紫，有十五萼，干紫英红，得所养则岐而生，至有二十萼。花头差大，色映人目，如翔鸾翥凤，千态万状。叶则高大，刚毅劲节，苍然可爱。

潘花，色深紫，有十五萼。干紫，圆匝齐整，疏密得宜，疏不露干，密不簇枝。绰约作态，窈窕逞姿，真所谓艳中之艳，花中之花也。视之愈久，愈见精神，使人不能舍去。花中近心所色如吴紫，艳丽过于众花，叶则差小于吴，峭直